

TOUCHER

CENTURION ROLBALKLUB

CENTURION BOWLS CLUB

www.centurion.bowls-club.co.za

secretary@centurion-bowls.co.za

NUUSBRIEF / NEWS LETTER

Augustus / August 2021

Make sure you test positive for faith, keep a distance from doubt and isolate yourself from unbelief.

ALGEMENE JAARVERGADERING: 28 AUGUSTUS 2021 om 11:00

Die verrigtinge sal oor die Internet sowel as in die klubhuis aangebied word. 'n Fasiliteit sal geskep word waar die lede wat nie in die Klubhuis kan of wil wees nie met behulp van 'n video skakel ook kan deelneem. Lede sal binnekort oor die werkswyse ingelig word. As gevolg van die COVID inperkings is besluit om die prysuitdeling later in die jaar te hou wanneer (hopelik) die inperkings op 'n laer vlak is.

Daar is nominasievorms beskikbaar in 'n houer op die bord vir die nominasies van ampsdraers in die verskillende portefeuljes. Nominasievorms word ook aan lede gestuur sodat u nominasies elektronies kan indien. Al die portefeuljes is oop vir nominasie. *Dit is in u Klub se belang dat die **regte lede op die Bestuurskomitee dien.***

Die sluitingsdatum vir indien van nominasies is **14 Augustus 2021**

Ons wil dit op elke lid se hart druk om aan hierdie baie belangrike vergadering, waar belangrike besluite aangaande die klub se welvaart, geneem sal word, deel te neem.

The measure of life, after all, is not its duration but its donation.

Die Spel ROLBAL – In belang van die spel is dit noodsaaklik dat elke speler by die onderstaande sal hou. Bestudeer dit en maak dit jou eie!

Die LEI (LEAD)

- TREK - die Lei lê die fondasie vir hoe die kop gaan ontwikkel. Dit is 'n spesialis posisie en belangrike rol in elke span.
- Luister na die Skipper en moet nie onnodig gesels nie
- Konsentreer op gras en gewig - m.a.w. -fokus!!
- Plaas opponent se bal as hy/sy eerste rol
- Moet nooit dink jou rol is minderwaardig nie – Die Lei kan die kop maak of breek!
- Rol die witte waar die Skipper staan – Die Skipper besluit op kort of langer kop.

- Maak seker die witte is in lyn indien baan nie gemerk is nie (**sentree**).
- Moenie self besluit om mat op te vat nie – kyk vir Skipper voor jy die mat neersit.
- Plaas die mat op minimum 2 meter en tot maksimum 25 meter vanaf sloot.
- Hou jou opponerend dop om te sien watter hand hy/sy verkies en hou dit in gedagte wanneer jy eerste rol - Jou Skipper sal aanduiding gee.
- Kies die beter / makliker kant vir jou om te rol (indien moontlik).
- Jou doel is om minstens binne 'n meter van die witte af te eindig.
- Probeer om altyd so na as moontlik aan die witte te trek - of ten minste die 2de skoot te kry. (As die skoot af is, speel verby die witte).
- Moenie die opposisie se bal probeer uithaal nie – dit word nie van jou verwag nie!
- Onthou die Skipper het waarskynlik 'n strategie en pas sy plan aan soos die spel ontwikkel. Luister na hom/haar en probeer speel soos versoek.

TWEDE (SECOND).

- Luister vir die Skipper – moenie bevraagteken nie (Staan agter die mat vir instruksies van die Skipper).
- Soos in die geval van die Lei, trek op die witte maar begin om kop te bou volgens Skipper se plan.
- Moet opposisie bal kan rus (As die skoot af is, speel verby die jack)
- Wanneer so versoek deur Skipper speel op aangeduide bal/le om dit nader aan die witte te skuif of om dit uit te haal en self te lê (Pound on or chop and lie).
- Probeer druk plaas op opponerende Derde wat na jou rol.
- Plaas jou Derde se bal by die mat as hy volgende gaan rol.
- Probeer om eerder verby die witte te speel as om kort te speel.
- Poog om al jou balle in die kop te kry.
- Skryf telling op die bord wanneer deur Skipper versoek.

DERDE (THIRD)

- Die Derde en Skipper moet verkieslik al lank saam speel en mekaar baie goed verstaan
- Moet ervare wees en elke kop kan lees
- Behoort 'n goeie kommunikeerder te wees en gereeld met res van span kommunikeer
- Verstaan Skipper se plan en stem saam oor strategie vir elke kop.
- Moet Skipper se vertrouwe en respek hê sodat Skipper alternatiewe voorstel sal oorweeg.
- Moet wanneer nodig met Skipper praat
- Is die Skipper se “ore op die grond” om relevante informasie deur te gee en met res van span te kommunikeer sodat Skipper op die spel kan fokus.
- Moet enige tipe skoot kan speel soos en wanneer nodig.
- Agterballe op versoek. Poog om nie kort te wees.
- Wanneer so versoek sg “blocker” te speel. (slegs as uitsondering).
- Probeer opponerende Skipper, wat na jou rol, onder druk plaas.
- Help Skipper om kop te lees.
- Plaas jou Skipper se bal by die mat as hy volgende gaan rol.
- Tel en meet die skote aan einde van kop.
- Die Derde wie die kop verloor het, tel die witte op en oorhandig aan opposisie Lei
- Beheer die kop wanneer Skipper rol.

SKIPPER (SKIP)

- Moet nooit huiwerig voorkom nie (moet positief voorkom)
- Moet voorbeeld wees vir res van span met goeie spel (positiewe houding)
- Geen “afrigting” gedurende spel – slegs ooglopende foute.
- Fokus en hou elke bal dop totdat die bal tot stilstand kom.
- Probeer om nie inligting vir spelers te skree nie. Kommunikeer rustig en duidelik.
- Moenie ‘n speler se hand onnodig verander nie behalwe as die kop dit noodsaak.
- Moet verkieslik nie dryf as jy net een bal in die kop het nie.
- Moenie gesigte trek of negatiwiteit uitstraal as jou span swak speel nie (Bly positief).
- Beheer jou liggaamshouding – moenie die opposisie hoop gee nie!
- Moet vining die baan lees en res van span inlig of ‘n kant wyd of nou loop.
- Moet weet wanneer om aan te val en wanneer om te verdedig.
- Kan voor die tyd en na die tyd raas en te kere gaan maar nie tydens die spel nie – dan moet hy eerder elkeen aanspoor om die volgende bal beter te rol.
- Prys goeie skote van sy eie span-lede op ‘n besadigde manier
- Moenie ooglopende foute uitwys soos te wyd, te nou, ens. – elke speler weet dit as hy klaar gerol het.
- Moet ‘n plan hê vir elke kop en dan bou daaraan (wees ook bedag op wat jy dink die opponent wil/sal doen).
- Ken die prosedure vir gebrande koppe
- Ken jou span se vermoëns – swak en sterk punte, toon vertroue in hulle.
- Luister na Derde as kop verander het of gaan kyk self.
- Sorg dat die Derde die plan ken en saamstem vir elke kop.
- Moet enige tipe skoot kan speel soos en wanneer nodig.
- Indien onseker, gaan kyk voor laaste bal gespeel word.
- Dit bly die Skipper se keuse maar speel “blocker” en dryfskote slegs as uitsondering.
- Skryf telling op – kaart of bord.
- Konsentreer deurlopend en wees bedag op enige verandering aan kop.
- Moet nie kort speel nie – eerder verby die witte.
- Wys duidelik en sonder bohaai, hoe vêr die bal te kort of te lank is.

ALGEMEEN

- Kaptein / Skipper loot (muntstuk) met opponerende Kaptein / Skipper wie eerste die mat het.
- Skipper/ Kaptein wat loot wen kan besluit wie telbord byhou. Die bord word opgeskryf in die volgorde soos die spanne op die kaart verskyn. Die betrokke Skipper kan self of een van die spanlede vra om bord op te skryf.
- Niemand rol doelbewus ‘n swak bal nie.
- Moet perk kan lees en aanpas wanneer witte geskuif het.
- Al die posisies moet enige hand kan speel.
- Staan stil en moenie gesels as iemand op die mat is nie.
- Wag op mat tot jou bal tot stilstand kom en stap dan van die mat af. Kyk na jou Skipper wat moontlik sal aandui hoe vêr te kort of te lank jy gerol het. Wanneer die bal tot stilstand kom en jy

van die mat af beweeg behoort dit aan die opposisie.

- Wanneer jy weer speel en op die mat is, sal jou Skipper vir jou aandui wat jy moet doen en waar jou vorige bal ge-eindig het.
- Wag dat bal tot stilstand kom voordat jy opstap na die kop.
- Hou spanpraatjie voor die tyd – bespreek strategie – almal moet inkoop, saamstaan, verstaan en wil wen!
- Daar is en kan nie **twee Skippers** in die span wees nie!
- As die Lei en die Tweede opstap, moet hulle nie in die kop rondstaan en kyk nie. Gaan staan ten minste 2 meter agter die kop.
- Lei en Tweede kan iets sê wanneer gemeet word, maar slegs aan hulle eie Derde.
- Neem wind sterkte, -rigting, tyd van die dag, lengte van gras en weerstoestande in ag wanneer jy aflewer. Kyk gereeld na die vlag.
- Elke baan se spoed verskil
- Wanneer die witte in sloot of diep lê staan die Leie en Tweedes op die wal.
- Konsentreer wanneer jy op die mat stap.
- Die gras (swaai) vir voorhand verskil gewoonlik van die vir die rughand.
- Hou bal reg vas, bly af, gaan reguit deur, arm reguit, fokus, egalig en vat genoeg gras!
- Moenie wys as jy kwaad of teleurgesteld is nie
- Goeie maniere te alle tye – wen of verloor

A mistake repeated more than once is a decision. Paul Ceolho

BANE

Die bane rol goed en ons sê baie dankie aan Jaco vir al jou en jou helpers se insette. Danksy die oplettenheid van Jaco is die gesteelde grassnyer “opgespoor”. Dit is een keer waar misdaad nie gesevier het nie. Baie dankie Ernst en Jaco vir julle toegewydheid en deurlopende instandhouding van die toerusting.

Without rain nothing grows, so embrace the storms in your life.

LEDEGELD:

As gevolg van die addisionele uitgawes wat met COVID gepaard gegaan het beveel die Bestuurskomitee aan dat ledegeld vir die boekjaar 2021-2022 met 10% verhoog word. Uiteraard is dit onderworpe aan die goedkeuring daarvan tydens die Algemene Jaarvergadering op 28 Augustus 2021.

	<u>Ledegeld</u>	<u>BGN/BSA</u>	<u>Totaal</u>
Enkellid			
Bo 75 jr	R1,120	R540	R1,660
Onder 75 jr	R1,320	R540	R1,860
Getroude Pare			
Bo 75jr	R1,060	R540	R1,600
Onder 75jr	R1,260	R540	R1,800

Diensrooster vir Julie en Augustus 2021

Pligte vir mans sluit in die volgende: Uitsit van bane, hys van vlag, uitsit van water (spelers moet eie houers voorsien). Bane word op Dinsdae en Donderdae in die oggende en Saterdag namiddag uitgesit. Indien jy op 'n spesifieke dag nie jou diensbeurt kan nakom nie is dit JOU verantwoordelikheid om uit te ruil of iemand in jou plek te kry.

As gevolg van Covid 19 word die dames ook betrek om behulpsaam te wees. Een dame by die ingang word benodig om almal se temperatuur te meet, ens terwyl 'n tweede dame die skyfies sal hanteer. Sameroepers moet asb onderling reël.

Augustus 2021

Sameroeper Mans: George Loock 082 416 2277

- Jorrie Jordaan
- Ben Bonthuysen
- Stephan Weber

Sameroeper Dames: Liezel Loock 082 877 4801

- Louie Weber
- Sarie Esterhuysen
-

September 2021

Sameroeper Mans: Matie Stander 072 785 1229

- Wim van der Waals
- Abri Immelman
- Ben de Lange

Sameroeper Dames: Ronell van Zyl 083 334 3991

- Karien Roos
- Dawn de Beer
- Sue Render

BEDANK AS LID

Louise Graham. Louise het in die 36 jaar wat sy rolbal gespeel het groot hoogtes bereik op provinsiale vlak sowel as by ons klub. Sy was een van die min spelers wat omtrent nooit 'n afdag gehad het nie en dit was altyd spesiaal om saam met haar te speel. Ook het sy haar deel in die klub bygedra as bestuurslid en was altyd bereid om 'n hand by te sit waar nodig. Louise ons gaan jou mis maar gesondheid kom eerste.

Life is too short, spend it with people who celebrate your presence, make you smile and feel loved.

LIEF EN LEED

Kobus het 'n rugoperasie ondergaan en ons bid vir hom spoedige herstel toe.

John van der Veen moet ook onder die mes deurloop en ons wens hom alles van die beste toe.

Ook aan Dawn wat moet gaan vir 'n knie operasie. Sterkte!

Onder omstandighede gaan dit goed met Judy en Veronica. Beide sterk mooi aan.

Duo hou sy lyf Tawwe Tienie en sal een van die dae weer begin rol.

Innige simpatie met Bosman en Willene wie se suster skielik oorlede is.

Johan Meaker en Hendrina het besluit dat die tyd nou ryp is om hul skapies in dieselfde kraal te jaag. Baie

geluk. Seën en mooi jare vorentoe toegewens.

Just because you carry it well doesn't mean it isn't heavy.

In Memorium:



Albie Venter: 28 Mar 1941 – 18 Jun 2021

Albie het in 2007 by Centurion Rolbalkklub aangesluit en diep spore getrap in die Klub se rolbalgeskiedenis. Hy was president vir een termyn asook 'n toegewyde tesourier vir 3 termyne. Hy was vir drie jaar die sameroeper/voorsitter van die Dinsdagklub. Hy sal veral onthou word vir sy sin vir verantwoordelikheid en hulpvaardigheid. Ons innige simpatie met Marieta en sy gesin.



Eugene Janse van Rensburg: 20 Feb 1933 – 09 Jun 2021

Eugene het aangesluit by Centurion rolbalkklub in 1992. Vir 'n paar jaar het hulle verhuis Kaap toe maar nadat hulle teruggetrek het, het hy weer by Centurion aangesluit. Eugene het waardevolle bydraes gelewer met die hersiening van ons konstitusie en het al die probleme hanteer waar regskenis nodig was. Ons gaan hom en die geselsies met hom baie mis. Felicity, ons innige simpatie met jou en jul gesin.



Terry Steward: 19 Jun 1945 - 23 Jul 2021

Due to Covid-19 impact on his line of business Terry resigned as a member of the Club at the end of last year. As a member of the Club since May 2017 he will be remembered as a good and respected Skip. Always friendly, humble and a true gentleman. Our condolences to

Theresa and the family.

Nothing is forever in this world, not even our problems.

VERJAARSDAE IN AUGUSTUS

Hartlik geluk en seënwenne vir jou nuwe lewensjaar.

1. Daan Opperman
2. Hannes van Eden
3. Mike Heyns
11. Gerrit Kamper
15. Dorina Du Plessis
18. Bessie Oliemans (vriend)
21. Piet Schutte
23. Brian Kleingeld
27. Werner Klerck

Vergenoegdheid is 'n gewoonte. Kweek genoeg daarvan in jou hartstuin.

VERJAARSDAE IN SEPTEMBER

Baie geluk, hope seën en 'n mooi nuwe lewensjaar.

1. Gert Cloete
2. Naudene Ward (vriend)
3. Anita Beukes
10. Yvonne Odendaal

25. Bets du Plessis
26. Kobus Nieuwoudt
29. Martha Weilbach
30. Koos Moolman

We must be willing to let go the life we planned so as to have the life that is waiting for us.

VAN WAAR GEHASI



Anette Olivier

Ek is 25 Oktober te Noupoot Klein Karoo gebore. My Pa het by die Spoorweë gewerk en my Ma was 'n tuisteskepper. Op die ouderdom van 6 jaar, nadat my Pa bevordering gekry het, verhuis ons na Pietermaritzburg in Kwazulu Natal. Ek het intussen 2 broers bygekry.

Ek was op Laerskool Voortrekker en my Hoërskool dae was op Hoërskool Gerrit Martiz in die Scottsville area. Dink met baie heimwee terug oor hoe ek en my broers altyd in die vyeboom geklim het, dan het ons die perdewedrenne "gewatch", ons het gedink ons is die Kat se snor! Hokkie speel was my passie. Was ook ons 1st span se kaptein. Ook glad nie te sleg gedoen in die swembad nie. Baie swem galas agter die rug. Soos ek hier vir Julle tik dink ek, hel, Anette jy het sleg geraak!

My eerste werk was by die motorlisensie Kantore in Pietermaritzburg. Ek is in 1982 getroud, my dogter Mariette is in 1986 gebore in Laydsmith. Vandaar is my man verplaas na Pretoria in 1992. Was 'n groot aanpassing want Natal was/is nie so koud nie.

In 2000 is ons geskei, ek het begin werk by 'n korttermyn makelaar, waar ek my baie goed gekwalifiseer het, moes baie hard begin swot op ouderdom 40 want nou moes jy jou eie potjie krap. Ek was geseënd om vir 15 jaar toe die bestuurder te wees van die Makalery. In 2010 het my en Lourens se paaie gekruis. Ek het toe sy persoonlike en besigheids portufeljes hanteer. Het toe vir Brolink begin werk - die grootste korttermyn administrateurs in RSA. Lekkerste tyd van my lewe.

In Oktober 2017 is ek en Lourens getroud. Dit was vir albei maar 'n aanpassing want toe loop ek al vir baie jare my eie pad, en hy was 'n wewenaar. Maar ons sal dit nou vir niks anders verruil nie. Hy het twee seuns. Jaco is 'n oogkundige en Hercules ons apteker. Albei het 2 kinders. Saam met my 2 het ons ses kleinkinders. Wissel van 4 jaar tot 25 jaar oud.

My dogter, haar man en twee kleinkinders het verlede jaar geïmmigreer na Nieu Zeeland. Hulle woon op die eiland Papamoa. Dit was nou 'n aanpassing van "note" maar hulle is gelukkig en dis seker al wat tel.

In 2018 het Lourens my vertel van rolbal. Hy het jare terug sosiaal gespeel by Koedoespoort en ons het toe by Centurion Rolbalklub aangesluit. Ons is vir 'n ruk gestuit om regtig voluit te speel/oefen want eers was daar Lourens se rug operasie en net toe ek klaar is met die rol van "nurse" wees kom Covid.

Verlede jaar het ek begin help in die klub se kombuis, in die tyd baie geleer oor die werking van 'n rolbal klub en het die lede baie beter begin leer ken.

Anette is van nature 'n wenner en sy het haar visier gestel om haar spel in die komende seisoen tot 'n nuwe vlak te neem. Mooi so Anette, ons neem kennis en hou jou dop.

Stuur asb jou nuuswaardighede aan Mari Flint by mari@veritasproperties.co.za of praat met haar op 082 392 3123

Besoek gerus ons Webwerf by: centurion@bowls-club.co.za en ook by: <https://centurionrolbalklub.shutterfly.com>. (Fotos)

Neem ook kennis van die Klub se nuwe e-pos adres:

secretary@centurion-bowls.co/za

Wanneer u e-pos aan hierdie adres stuur sal dit minstens al die lede van die Dagbestuur bereik